



Inatsisartut Suleriaasianni § 37, imm. 1 naapertorlugu Naalakkersuisut imaattumik apeqquaqarfigineqarput:

1. Naalakkersuisut paasissutissiissutigisinnaavaat, ullumikkut suut atuuttut maleruagassat piniartut, aalisartut aallaaniartullu inatsisit naapertorlugit pisisaminnik qeritillugit kingorna qerisutut tuniniaanissaannut killilersuutit imaluunniit aporfiusut aaqqitassat suunersut?
2. Naalakkersuisut naapertorlugit qanoq isumaqarpat, pisineqartumik neqit ilaanni nutaatut ingerlaannaq tunineqarsinnaasut, sinneri nutaajunerini qeritillugit kingorna tunineqarsinnaannginnerata aporfiunera? naak nutaajutillugit qerititsineq pitsaassutsimik attassiinnarsinnaasussaagaluartoq, pisanik inuussutissanik maangaannartitsinermik annikillisisinnaasoq aammalu pisuussutininik pitsaanerusumik atuinissamut iluaqutaasinnaasoq tamanna siuarsartariaqalinngila?
3. Naalakkersuisut nalilersorsinnaavaat, ullumikkut maleruagassat piniartunut, aalisartunut aallaaniartunullu tuniniagassat eqqarneqartarmata isertitaqarnissamut periarfissanik pisariaqanngitsumik annaasaqartitsisarneq piusarmat?
4. Naalakkersuisut nassuiaateqarfigisinnaavaat, maleruagassat nunatsinni pissutsit naapertorlugit peqqinnissakkut tunngatillugu aarlerinartunik nalilersuinerit tunngavigalugit aalajangersagaasimanersut, imaluunniit annerusumik suliffissuaqarfinnut tunisassiorfissuarni atorineqartunut malittarisassanik tunngaveqarnerunersut aqutissiornissaanut?
5. Naalakkersuisut suliaqartoqartariaqarnermik immikkut nunatsinni aaqqissuussinermik periarfissat aqutissiorniartugit, tassani neqit pissarsiarineqartut inatsisit naapertorlugit qeritillugit tunineqarsinnaalernissaat, eqqiluisaarneq, nalunaaqutsersuineq, kiassutsimut piunasaqaatit kiisalu malinnaaffigineqarsinnaaneq pillugit pisariitsumik isumannaatsumillu piunasaqaatit tunngavigalugit aaqqissuisoqarnissaanut suliaqartaraiqalinngilagut?
6. Naalakkersuisut paasissutissiissutigisinnaavaat, piniartunut qerisunik tuniniaanissamut periarfissat pitsaanerulerneratigut aningaasarsiornikkut pilersuinikkullu qanoq iluaqutissat anguneqarsinnaanersut, soorlu inuussutissanik maangaannartitsinerup annikinnerulernera, atuisut pitsaanerusumik atorineqarnissaa aammalu nerisassanik najukkaneersunik patajaannerusumik pissarsisinnaaneq aqutissiorneqarnissaa piffissanngunngila?



7. Naalackersuisut paasissutissiissutigisinnaavaat, periarfissat pillugit misissuineq qanoq akeqassanersoq, tassunga ilanngullugit pisarineqartumik neqinik qeritillugit tuniniaaneq akuersissutigineqarsinnaanersoq pillugu inuussutissarsiornikkut isumannaallisaanikkut, eqqiluisaarneq, nalunaaqutsersuineq, tunisanik utimut malinnaaffigineqarsinnaaneq, najukkani qerititsiveqarfiit kiisalu piniartut, aalisartut, aallaaniartut atuisullu aningaasatigut sunniivigineqarnissaat pillugit nalilersuinerit?
8. Naalackersuisut immikkut paasissutissiissutigisinnaavaat, taamatut misissuineq aningaasaliissutit pioreersut iluanni ingerlanneqarsinnaanersoq, imaluunniit Naalackersuisut naliliinerat naapertorlugu immikkut aningaasaliisoqarnissaa pisariaqartinneqarnersoq, taamaassapallu qanoq akeqassanersoq?

*(Inatsisartunut ilaasortaq, Jens NapätôK', Naleraq)*

## **Tungavilersuut:**

Kalaallit Nunaanni sumiiffinni amerlasuuni piniarneq suli pingaaruteqartuuvoq aningaasarsiornermut, kultoorimut kiisalu inuussutissarsiornikkut imminut pilersornermut. Innuttaasut amerlasuut eqqarsaatigisarpaat soq neqit nutaat ilaanni ingerlaannaq tunineqarsinnaasut, kisianni sukkasuumik qeritillugit kingorna tuniniaaneq killilersorneqartartoq.

Tamanna naapertuutinngitsutut isikkoqarpoq, tassami eqqortumik sukkasuumillu qerititsineq pitsaassutsimik attassiinnarnissamut, inuussutissanik maangaannartitsinerup annikillisarinnissaanut aammalu pisuussutinik pitsaaneruseq atuinermut pitsaasuvoq. Immikkut nunaqarfinni isorliunerusunilu angallannikkut tuniniaaffissatigullu periarfissat assigiinngisitaartillugit, maleruagassanik eqaannerusunik pisariaqartitsineq annertoqarsinnaavoq, tamanna imminut pilersornermut kiisalu najukkani isertitaqarnissamut pingaaruteqarluni.

Apeqqut aamma inuussutissarsiornikkut isumannaallisaaneq, najukkani inuussutissarsiutinik ineriartortitsineq kiisalu innuttaasut kalaallit nerisassaataannik periarfissaqarnissaat pillugit pingaaruteqarpoq. Taamaattumik maleruagassat atuuttut, Naalackersuisut nutarterinissamut



pisariaqartitsineq qanoq nalilersornersut kiisalu suliaq pillugu misissuinermit ingerlatsinermit aningaasatigut kingunerisassat pillugit erseqqissaasoqarnissaa kissaatigineqarpoq.

Apeqqutit allakkatigut akineqarnissaat suliffiusut ullut qulit (10) iluanni piumasarineqarpoq.

Nutserinermit tunngatillugu nalornissuteqartoqassappat kalaallisoortaa tunngavigineqassaaq.